


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-65	At-Thalaq	12	2	Madaniyyah	Ke-99	2





### **Zaman Diturunkan**

Dalam Surah al-Baqarah yang kebanyakannya diturunkan pada tahun ke-2 Hijrah telahpun diturunkan hukum hakam talaq, untuk menyempurnakan dan melengkapkan lagi hukum-hukum berkenaan dengan talaq, Surah at-Thalaq diturunkan. Besar sekali kemungkinan ia diturunkan di akhir tahun ke-2 Hijrah.

### **Perkaitan Surah At-Thalaq Dengan Surah Sebelum Dan Selepasnya**

1. Di dalam Surah at-Taghabun, untuk berjaya dalam ujian kalah menang akhirat dan untuk menguatkan negara Islam telahpun diperintahkan umat Islam supaya berbelanja di jalan Allah sebanyak mungkin, di dalam Surah at-Thalaq ini dinyatakan pula bahawa untuk mengukuhkan keluarga dan masyarakat Islam umat Islam perlu mengikut al-Qur'an dan as-Sunnah dengan penuh keikhlasan.
2. Di dalam Surah at-Thalaq ini dinyatakan seseorang perlu tetap menjaga batas-batas yang telah ditentukan tuhan andainya timbul rasa benci di dalam hati terhadap isteri atau suami. Di dalam Surah at-Tahrim akan datang pula dikatakan menjaga batas-batas yang ditentukan tuhan dalam kasih sayang kepada isteri-isteri juga suatu yang perlu.

### **Beberapa Kata Kunci Dan Tema Utama Surah**

1. Hukum-hukum syari`at Allah. Di dalam surah ini perkataan-perkataan seperti حُدُودُ اللَّهِ (Ayat: 1), أَمْرُ اللَّهِ (Ayat: 5), أَمْرُ رَبِّهَا (Ayat: 8) dan آيَاتُ اللَّهِ (Ayat: 11) telah digunakan agar difahami bahawa Allah jua yang berhak membuat peraturan dan undang-undang untuk manusia, segala peraturan dan hukum hakam syari`at yang ditentukanNya mestilah dipatuhi.
2. Hukum-hukum takwini (di alam semesta).  
Firman Allah يَنْزِلُ الْأَمْرُ بَيْنَهُنَّ (Ayat: 12) menjelaskan bahawa Allah juga pembuat peraturan dan hukum di alam semesta, segala apa yang berlaku antara langit dan bumi juga menurut peraturan dan ketetapan yang ditentukanNya.
3. Di dalam surah ini, perkataan taqwa disebutkan dalam 5 ayat, (Ayat: 1, 2, 4, 5 dan 10). Daripada ayat-ayat itu dapat diketahui bahawa kestabilan dan keharmonian sistem keluarga banyak bergantung kepada sejauh mana suami isteri beriltizam dengan ketaqwaan kepada Allah dan ketetapan-ketetapanNya. (حُدُودُ اللَّهِ).
4. Di dalam surah ini disebutkan 6 faedah taqwa.  
(a) Seseorang akan mendapat مَخْرَج (jalan keluar) bagi segala persoalan yang dihadapinya (Ayat: 2).

وَمَنْ يَتَّقِ اللَّهَ يَجْعَلْ لَهُ مَخْرَجًا ۝

2. Dan sesiapa yang bertaqwa kepada Allah (dengan mengerjakan suruhanNya dan meninggalkan



laranganNya), nescaya Allah akan mengadakan baginya jalan keluar (dari segala perkara yang menyusahkannya),

(b) Ia akan mendapat rezeki dari punca yang tidak disangka-sangkanya (Ayat: 3).

وَيَرْزُقُهُ مِنْ حَيْثُ لَا يَحْتَسِبُ

3. Serta memberinya rezeki dari jalan yang tidak terlintas di hatinya.

(c) Ia akan mendapat banyak kemudahan (Ayat: 4).

وَمَنْ يَتَّقِ اللَّهَ يَجْعَلْ لَهُ مِنْ أَمْرِهِ يُسْرًا ①

4. Dan (ingatlah), sesiapa yang bertaqwa kepada Allah, nescaya Allah memudahkan baginya segala urusannya.

(d) Dosanya akan terhapus (Ayat: 5).

وَمَنْ يَتَّقِ اللَّهَ يُمْحِضْ عَنْهُ سَيِّئَاتِهِ

5. Dan (ingatlah), sesiapa yang bertaqwa kepada Allah, nescaya Allah menghapuskan kesalahan-kesalahannya

(e) Ia akan mendapat pahala yang besar (Ayat: 5).

وَيُعْظِمَ لَهُ أَجْرًا ②

5. Dan akan membesarkan pahala balasannya.

(f) Taqwa adalah bukti kecerdikan dan kebijaksanaan seseorang (Ayat: 10).

فَاتَّقُوا اللَّهَ يَتَأْوَلِ الْآلَبِ

10. Maka bertaqwalah kepada Allah wahai orang-orang yang berakal sempurna.